

家庭萬寶全書

青浦魯雲奇編

家庭萬寶全書

上海中華圖書集成公司印行

世界大戰英雄史

(一) 戰禍溯源

1 摩洛哥問題

2 巴爾幹均勢

3 德皇武力統一主義

(二) 戰事始末

1 奧塞啓畔

4 英國表示助法

7 德比開戰

10 土耳其袒德

13 德表示交還青島於中國

16 德國蹂躪比京

19 德意宣戰

22 中美對德抗議

25 美向德國宣戰

28 德奧俘虜與俄過激黨擾亂遠東

29 中國聯合協約國出兵海參威

30 協約軍大捷

2 德俄決裂

5 德國襲法

8 英德宣戰

11 奧俄宣戰

14 日德絕交

17 聯軍拒德

20 德國蔑視公法

23 美德絕交

26 中國參戰

3 法國備戰

6 法國破壞比國中立

9 日本宣言助英

12 英奧宣戰

15 日攻青島

18 意國脫離同盟

21 德潛艇禍害中立國財產生命

24 中德絕交

27 俄國革命

31 德國革命 32 德奧屈服 33 德奧乞和 34 和平會議

(三) 戰時人物

(子) 英王附國務員及將帥

(丑) 法總統附國務員及將帥

(寅) 俄皇附國務員乃將帥

(卯) 美總統附國務員及將帥

(辰) 比王附國務員及將帥

(巳) 意王附國務員及將帥

(午) 塞皇附皇附同上

(未) 日皇附同上

(申) 中國總統附同上

(酉) 德皇附同上

(戌) 奧皇附同上

(亥) 土皇附同上

(四) 戰地概況

1 空中攻擊 2 陸地攻擊 3 海上攻擊 4 水底攻擊 5 協約軍之勇敢 6 協約軍之堅耐 7 協約軍之協和 8 協約軍之勝蹟 9 德軍之慄悍 10 德軍之殘忍 11 戰地人民之苦况 12 華工之協助

(五) 戰爭損害

1 兵士之死亡 2 軍械之損壞 3 軍費之消耗 4 商業之停頓 5 農業之荒廢 6 戰地人民財產之損失

(六) 戰事瑣聞

1 野心家之老謀深算 2 各國英雄軼事數十則 3 政治家之播弄 4 軍械之新奇 5 各國軍人之戰場生活 6 各國婦女協助戰役 7 各國婦女勗勉征夫 8 前敵之女軍人 9 新婚之慘離 10 無名之英雄 11 各國軍人之家書數十通 12 英雄之母 13 英雄之妻

家庭萬寶全書卷五

青浦魯雲奇彙輯

第八編 聯絡親友法

總論

逸民

具圓顧方趾。異於禽獸而爲人。有能不與世接觸者乎。無有也。合父子夫婦兄弟而成家。有能不與人往來者乎。無有也。既與接觸焉。既與往來焉。於是交互之情義生焉。夫情義密切者何人乎。曰親友是也。

獨是今人於親友之間。往往生嫌隙而忘親愛。其故何哉。大抵世俗之見。勢利重而道義輕。或以貧富之參差。頓形歧視。或以貴賤之懸隔。時啓異心。始則形迹稍疎。繼則情意隔膜。終乃怨望互生。互怨不已。必至互謗。互謗不已。必至互仇。夫以親友而視如仇敵。有種種不可思議之禍患矣。

然則親友之間。聯絡之法。不可輕忽如是。雖然。果何由克盡其道乎。試集古人之格言。以作吾儕之模楷。

史授臣願體集曰。親族鄰里。居址甚近。凡牲畜之侵害。僮僕之爭鬪。言語之相角。行事之錯悞。勢不能盡免。惟在以心體心。彼此相容。但求反己。不可責人。若不忍小忿。遂生嗔怒。必致仇怨相尋。終無了時矣。

又曰。橫逆之來。正以徵平日涵養。

又曰。親族朋友中。焉能個個相投。事事恰當。且嗜好不同。性情不一。卽有與我不相得處。不過小忿微嫌耳。

又曰。治家嚴家。乃和居鄉。恕鄉。乃睦。

又曰。子弟僮僕。有與人相爭者。只可自行戒飭。不可加怒別人。此對於親友以恕道聯絡之法也。

朱柏廬治家格言曰。見貧苦親隣。須多溫恤。

王孟箕宗約會規曰。同族中。鰥寡疾苦。以相賙恤。

王士晉宗規曰。姻者族之親。里者族之鄰。遠則情誼相關。近則出入相見。宇宙茫茫。幸而聚集。亦是良緣。況童蒙時。或多同館。或共遊嬉。比之路人。迥別。凡事皆當。

從厚。通有無恤患難。

史摺臣願體集曰。友先富貴而後貧賤。我當加其敬。恐友防我疏。而我遂處其疎也。

又曰。疎族窮親無所歸。代爲瞻養。乃盛事也。若視同奴隸。全不禮貌。反傷元氣。又曰。君子能扶人之危。周人之急。固是美事。能不自誇。則益善矣。

此對於親友以恩誼聯絡之法也。

孔子曰。晏平仲善與人交。久而敬之。

史摺臣願體集曰。富貴之家。有窮親戚往來。不戲謔。父執貧交。躬送破衣。親友出門外。如此足稱厚道。

又曰。交之初也多見其善。及其久也多見其過。未必其後之遜於前也。厭心生焉耳。

曾湘鄉家訓曰。凡親族鄰里來家。時時恭敬款待。此對於親友以恭敬聯絡之法也。

王孟箕家約會規曰。問諸族人。有身家難處之事。內外難處之人。卽對衆請教。衆隨所見。與細心商確。凡可解免。其患難裨益。其身心者。無不具告。

陸桴亭思辨錄曰。予初學時。偶有友人相託一事。爲某人解紛者。其人蓋嘗陰害予者也。予雖漫應之。而心不然。旣而惕然曰。此豈非所謂己私者乎。卽克去之。史摺臣願體集曰。人固不可多事。然親友有義不容辭者。以事重託。理宜委婉力行。行至必不能行。我心已盡。而親朋自亦見諒。近見一種自了漢。止知自吃飯。自穿衣。若人稍有所託。卽沉吟推諉。生平未嘗挑一擔解一事。及到有事。未必不求人。若人人似我。又當何如。

又曰。排難解紛。實行門中第一義。能以言語和人骨肉。見人構鬪間。一語解釋。其福無量。

此對於親友以義氣聯絡之法也。

夫待遇親友。誠能先之以恕。濟之以恩。行之以敬。要之以義。則親友與我嫌隙。泥而感情。深聯絡之法。未有善於此者也。

交際之必要

庸言

傳曰。往而不來。非禮也。來而不往。亦非禮也。夫古之所謂往來。與今之所謂交際。其名詞固不同。其事則一耳。

交際之道。事類甚繁。如婚嫁之慶賀。喪葬之弔奠。水火盜賊之拯恤。飢饉疾病之扶持。此交際之重大者也。

至於新年令節。誰無俗例應酬。遠客嘉賓。當盡地主情誼。或獻岡陵之頌。以伸敬老之忱。或隆湯餅之儀。藉表慈幼之義。此交際之瑣屑者也。

近則人事日繁。凡廁身社會之間。無論經畫公私之事。平素苟乏感情。臨時必多掣肘。一般通達時務者。其交際之手段。必四面照顧。無一方開罪。以期辦事便利。此交際之廣泛者也。

雖然。誼有親疎之異。卽禮有隆殺之殊。情有遠近之分。卽分有等差之別。所以周旋揖讓。宜中規矩。酬酢報投。亦當斟酌。此交際之審慎者也。

由此觀之。交際之道。爲持身涉世。必不能廢之事。烏得忽諸。茲述關於交際所必要者。

如左。

(甲)言語

言爲心之聲。故發表意思。文字之外。端資言語。交際之間。或一言而啓

衅。或一語而轉圜。言語固不可不慎也。

孔子曰。慎言其餘。則寡尤。

又曰。非禮勿言。

士相見禮曰。與老者言。言使弟子。與幼者言。言孝弟於父兄。與衆言。言

忠信慈祥。與居官者言。言忠信。

孔子於鄉黨。恂恂如也。似不能言者。在宗廟朝廷。便便言。唯謹爾。

曲禮曰。長者不及。毋僂言。正爾容。聽必恭。毋勦說。毋雷同。

又曰。從於先生。不越路而與人言。遭先生於道。趨而進。正立拱手。先生

與言。則對。不與之言。則趨而退。

(乙)禮貌

人之出言。能謹慎如是。交際雖繁。不至有失言之誚矣。

交際之道。言語之外。禮貌尤不可不謹。或一見而令人敬。或一動而招

人侮。在人非預有愛憎之意。皆視在我之禮貌何如耳。

論語曰。君子正其衣冠。尊其瞻視。

曲禮曰。竝坐不橫肱。

少儀曰。執虛如執盈。入虛如有人。

禮記曰。趨以采齊。行以肆夏。周還中規。折還中矩。進則揖之。退則揚之。少儀曰。侍燕於君子。則先飯而後已。毋放飯。毋流歎。小飯而亟之。數噉。毋爲口容。

孔子曰。居處恭。執事敬。與人忠。雖之夷狄。不可棄也。人之容貌。能彬彬有禮。交際之間。可免失禮之譏矣。

(丙)招待

招呼友朋。接待賓客。交際場中。視爲重要事項。或聯個人之情誼。或維公衆之秩序。胥在招待之得當與否耳。

招待之名詞。罕見於典籍。惟禮經中士相見一篇。頗多吻合。足資攷鏡。但繁而難習。茲集近世通行者。略述於左。亦從俗從宜之意也。

(1) 親友至。宜迎於門外。

(2) 既登堂。客坐左。己坐右。

(3) 既坐。敬以茶點。如遠道親友。宜留之共餐。或下榻焉。

(4) 近親至友。令子女出見於堂前。

(5) 客去。宜送諸門外。

招待親友。竭誠盡敬。斯可謂盡交際之道矣。

(丁) 餽贈

餽贈物品。爲聯絡親友之一法。亦交際之所不可廢也。

詩云。投我以本桃。報之以瓊瑤。

史搢臣願體集曰。餽送儀文。人情不免。貴於所送之物。令人得用。

又曰。富貴受貧賤人禮。以爲當然。殊不知幾費設處而來。卽一簣一絲。宜從厚速答。

袁氏世範曰。高年之人。作事有如婦孺。喜得錢財微利。喜受飲食果實小惠。能知此而順適其意。則盡其歡矣。

此外餽贈之禮。見於經籍傳記者。不勝枚舉。卽義莊一事。亦餽贈之一法。範圍不過稍廣耳。考范氏義田記。不僅贍族。已嫁之女。亦得沾潤。似較今之義莊立法完備。又讀曾文正公家書。每年對於親戚。均有餽贈。其意較范氏尤廣。今之擁厚資者。盡師其意而行之。毋使古人專美於前也。

婦女交際之藹議

徐寶嬋女士

禮曰。內言不出。閫外言不入。閫。中國古昔。婦女雖一言之微。防閑至密。更何能與外界接觸。有交際之事。雖遇歲時令節。不免與親族戚黨周旋。但其事甚簡。不成交際問題。近自歐化東漸。女權日張。向之蟄伏於閨闈窮年累月。不敢越雷池一步者。今則趾高氣揚。如不羈之馬。脫鈎之魚。行動自由。廁身交際場中者。數見不鮮。至於好驚新奇。放誕無忌。革履軋軋。金鏡煌煌。舉凡茶肆酒寮。劇場歌館。時見此輩踪跡。甚且舉動輕浮。頻遭物議。聲名狼藉。不知愛惜。此不得不認爲吾女界之羞也。

雖然立言貴乎持平。因噎豈遂廢食。如以少數言行不檢之婦女。遂謂女界同胞應返。


諸舊時沈沈黑幕之中。深鎖重幃。不得與社會交接。非但衡之於理。有所未通。卽按諸世界大勢。亦期期以爲不可。況吾儕巾幗。能潔身自好。磨不磷而涅不淄者。大有其人。旣具光明磊落之才。何有渣滓污泥之累。是雖日出入於社會之間。誰得而非之。寶嬋學淺識短。自忘譴陋。今草此篇。深冀諸姊妹。當持身涉世之時。不妨律己稍嚴。母使人之議其後也。當世不乏賢淑。幸垂教焉。

婦女之交際。其範圍宜較男子稍狹。在男子往往存四海之內。皆屬友朋之宏願。婦女斷不可則効。一則有荒廢家政之虞。二則有涇渭難分之弊。故寶嬋之愚。婦女當交際者。僅有數種。

(一)親族 無論夫家之親族。母家之親族。往來之禮。決不能廢。然應有權衡焉。賢者親之不肖者疏之。卽言語動作之間。但當和藹可親。毋使輕浮可狎。如此令聞日彰。不至有求全之毀矣。

(二)鄰里 任恤睦鄰。婦女亦負責任。故鄰里之中。不能廢交際之道也。然須審察焉。善者近之。不善者遠之。卽朝夕出入之時。旣洽之以情。尤接之以禮。如此賢聲遠播。不

至受人刺笑矣。



(三)友朋 在昔朋友交際。爲男子獨有之職務。近則風氣日開。文明婦女。不但有女友之交接。且與男子往還者。亦屢見矣。然當限制焉。若不加選擇。濫於結識。則害羣之馬。妨苗之莠。勢所不免。深恐有同流合污之病也。

抑有進者。婦女智識薄弱。性情偏執。交際之間。往往厚於私親。而薄於夫族。最易生親族鄰里友朋之惡感。必也。小心謹慎。不偏不倚。務使遠近親疏。翕然悅服。此尤吾女界同胞。不可不注意者也。

有無相通

忍 旃

解驂贖罪。指國拯危。古人高義。播美千秋。自世衰道微。一般人心。義輕利重。對於親友。毫末必爭。錙銖必較。求一能拯人之困。濟人之急者。殆如麟角鳳毛。舉世不能多覩。此論世者。所以有古今人不相及之歎也。

史搢臣先生願體集曰。親三黨。睦九族。交朋友。和鄰里。人生闕一不可。夫先生所謂三黨。九族。朋友。鄰里。簡言之。卽親友也。先生所謂曰親。曰睦。曰交。曰和。換言之。卽聯絡也。凡徵逐於酒食之間。流連於歌舞之地。卜晝卜夜。胡帝胡天。可謂聯絡之道乎。曰非也。

必擇朋友之中。遭困厄之境。遇患難之事。不作袖手旁觀。出我之所有。濟彼之無。如斯而已。

渾言有無相通。漫無界限。有志者亦難於著手。雖經史所載。典籍所記。足資採取。但博則難行。簡則易漏。茲摘錄呂氏鄉約。以作標準。

(一)水火 小則救之。甚則助以衣食等物。免致凍餒。

(二)盜賊 近則同力追捕。有力者爲告有司。其家貧。則濟其所缺。

(三)疾病 小則訪問。甚則代理醫藥。貧者助以養疾之費。

(四)死亡 缺人則助其幹辦。乏財則賻贈借貸。

(五)孤弱 遺孤無依者。若能自贍。則爲之區處。稽其出內。或聞之有司。或擇人

教之。貧者協力濟之。無令失所。

(六)誣枉 有爲人誣枉過惡。不能自伸者。勢可以聞於官府。則爲言之。或其家

因而失所者。以財濟之。

(七)貧乏 有安貧守分。而生計大不足者。量力濟之。或爲之假貸置產。以歲月